

Seeländisches Turnfest Müntschemier

Am Morgä am 4i heisst für aui Turner und Turnerinne vom TV Steffisburg Tagwach. 22 Nase mache sich mitem Zug uf nach Müntschemier. Allmählich erwache Aui u äs fröhlächs Gschnäder geit los.



Mit üsnä Turnfeschtliedli wi zum Bispü “Lasso“ oder “So ein schöner Tag“ hei mir schnäu warm übercho. Am 10 ab 8i isch d'Stafette, so wie träniert, losgange. :-) Mit der Note 6.37 hei mir die Ufgab mit Mühe u Not gmeischeret.



Nachäme gmüetläche Kaffi u Gipfeli hei mir üsi nächshti Disziplin i Agriff gno-Gymnastik Bühne. Trotz dr grosse Närvosität u dä chline Fähler hei mir ä super Note erreicht-9.21!



Am viertu vor 11i isch nür z'Allround über d'Bühni gange.
Nach äs paar Startschwierigkeite si mir guät dri cho u hei
d'Note 8,82 erreicht.



Ändlech hei mir nachem Wettkampf üses langersehnte
Gruppföteli z'stang bracht. Froh überne chüeli Duschi hei mir
üs ufä Wäg zur Zivielschutzalag gmacht. Nachem feine
z'Mittagässe isch z'Warte uf d'Rangverkündigung los gange. I
dere Zit isch das Brichtli entstande :-). Müed u glücklech mache
mir üs mitem Schlussrag 12 ufä Heiwäg.

Alex,
Michi,
Guido,
Steffi,
Linda

